

III. OUTRAS DISPOSICIÓNS

CONSELLERÍA DE CULTURA, EDUCACIÓN E ORDENACIÓN UNIVERSITARIA

ORDE do 22 de xuño de 2012 pola que se convocan probas libres de títulos extinguidos dos establecidos ao abeiro da Lei orgánica 1/1990, do 3 de outubro, de ordenación xeral do sistema educativo.

O Real decreto 806/2006, do 30 de xuño, polo que se establece o calendario de aplicación da nova ordenación do sistema educativo, establecida pola Lei orgánica 2/2006, do 3 de maio, de educación, establece no seu artigo 18.2 que a implantación das titulacións correspondentes aos estudos de formación profesional e dos respectivos novos currículos comezará no ano académico 2007-2008 e deberá completarse dentro do prazo de aplicación da Lei orgánica 2/2006, do 3 de maio, de educación, sen prexuízo da súa actualización permanente, de acordo coas exixencias do Sistema nacional das cualificacións e da formación profesional.

No número 3 do dito artigo establécese que mentres non se produza a implantación regulada no punto anterior seguirán vixentes as titulacións e os currículos derivados da Lei orgánica 1/1990, do 3 de outubro, de ordenación xeral do sistema educativo.

O Decreto 114/2010, do 1 de xullo, polo que se establece a ordenación xeral da formación profesional do sistema educativo de Galicia, regula no seu artigo 24 as probas para a obtención dos títulos de técnico e de técnico superior.

A Orde do 12 de xullo de 2011 regula o desenvolvemento, a avaliación e a acreditación académica do alumnado das ensinanzas de formación profesional inicial.

Como consecuencia da entrada en vigor dos novos títulos de formación profesional establecidos ao abeiro da Lei orgánica 2/2006, do 3 de maio, de educación, en substitución dos establecidos pola Lei orgánica 1/1990, do 3 de outubro, de ordenación xeral do sistema educativo, procede convocar a realización de probas libres de módulos profesionais dos ciclos formativos que se extinguen, co fin de lle permitir finalizar os estudos e lograr a titulación ao alumnado que se vexa afectado pola implantación das novas ensinanzas.

Por todo o anterior, a Consellería de Cultura, Educación e Ordenación Universitaria, facendo uso das competencias que lle confire o artigo 34.6º da Lei 1/1983, do 22 de febreiro, de normas reguladoras da Xunta e da súa Presidencia,

DISPÓN:

Artigo 1. *Obxecto*

1. Esta orde ten por obxecto establecer en centros públicos a realización de dúas convocatorias de probas libres para a obtención de títulos de formación profesional actualmente extinguidos dos establecidos ao abeiro da Lei orgánica 1/1990, do 3 de outubro, de ordenación xeral do sistema educativo, co fin de lle permitir finalizar os estudos e lograr a titulación ao alumnado que cursara as ensinanzas dos ditos títulos na Comunidade Autónoma de Galicia.

A relación de ciclos formativos para os que se convocan probas libres de módulos profesionais de títulos extinguidos no curso académico 2012-2013 e a dos centros públicos en que se realizarán as ditas probas figuran no anexo desta orde.

2. As dúas convocatorias terán lugar no curso académico seguinte ao da extinción definitiva da docencia do título, consonte o seguinte calendario:

A primeira convocatoria realizarase no mes de setembro, antes do comezo das actividades lectivas, co fin de posibilitar a matrícula no ciclo equivalente establecido ao abeiro da Lei orgánica 2/2006, do 3 de maio, de educación.

A segunda convocatoria realizarase no mes de xuño, coincidindo co remate das actividades lectivas.

3. Poderán ser obxecto de avaliación nas ditas convocatorias todos os módulos profesionais dos ciclos formativos extinguidos agás o de formación en centros de traballo (FCT), que se regulará segundo o disposto no artigo 8 desta orde.

4. O alumnado con módulos pendentes en ciclos formativos de menos de 2.000 horas de duración tras a realización da primeira convocatoria prevista de probas libres poderá solicitar praza no segundo curso polo réxime ordinario, para os efectos de rematar o ciclo formativo que se extingue, se cumpre os correspondentes criterios de promoción.

5. O alumnado con módulos pendentes diferentes ao de FCT tras a realización de calquera das dúas convocatorias previstas de probas libres e que desexe finalizar os seus estudos, poderá matricularse, de ser o caso, nas ensinanzas do título equivalente establecido ao abeiro da Lei orgánica 2/2006, do 3 de maio, de educación, para o que se aplicará o réxime de validacións de módulos establecidos no real decreto correspondente.

No caso do réxime ordinario, a matrícula formalizarase no curso que corresponda en función do cumprimento dos requisitos de promoción.

Artigo 2. Lugar e prazo de presentación de solicitudes

1. As solicitudes de inscrición para participar nas probas libres obxecto desta orde presentaranse nas secretarías dos centros públicos que ofreceran as correspondentes ensinanzas no momento da súa extinción, de acordo co seguinte:

a) As persoas aspirantes que cursaran o ciclo formativo nun centro público deberán presentar necesariamente a solicitude no mesmo centro en que estivesen matriculadas. En caso de non ofrecerse o ciclo formativo no momento da extinción, rexerese polo disposto na alínea b).

b) No caso de alumnado procedente de centros privados, deberase presentar a solicitude de nalgún dos centros públicos a que se fai referencia anteriormente.

2. Establécense dous prazos de presentación de solicitudes, en función das convocatorias previstas:

a) Para a primeira convocatoria: do 10 ao 20 de xullo de 2012.

b) Para a segunda convocatoria: do 10 ao 20 de maio de 2013.

3. Os modelos de solicitude axustaranse aos establecidos nos anexos II e III da Orde do 17 de xuño de 2011 pola que se convocan probas libres de títulos extinguidos dos establecidos ao abeiro da Lei orgánica 1/1990, do 3 de outubro, de ordenación xeral do sistema educativo (DOG do 28 de xuño), para ciclos de grao medio e de grao superior, respectivamente. Xuntarase a documentación acreditativa que corresponda.

4. Os centros farán pública no taboleiro de anuncios a relación provisional de persoas admitidas no prazo máximo de dous días hábiles desde a finalización do prazo correspondente. Poderase presentar reclamación no prazo máximo de tres días hábiles.

Artigo 3. *Requisitos das persoas solicitantes*

Para poderen acceder á realización das probas libres obxecto desta orde correspondentes a un título de técnico ou de técnico superior extinguido, as persoas aspirantes deberán cumprir o seguinte:

a) Cumprir os requisitos académicos de acceso directo ou mediante proba aos ciclos formativos correspondentes de grao medio ou superior, establecidos no artigo 41 da Lei orgánica 2/2006, do 3 de maio, de educación.

b) Ter formalizada en cursos académicos anteriores a matrícula nalgún centro educativo de Galicia e nun ciclo formativo actualmente extinguido, derivado da Lei orgánica 1/1990, do 3 de outubro, de ordenación xeral do sistema educativo, dos que se convocan probas libres de módulos profesionais.

c) Non estar matriculado/a simultaneamente nas probas libres obxecto desta orde e no ciclo formativo establecido ao abeiro da Lei orgánica 2/2006, do 3 de maio, de educación, que substitúa o establecido ao abeiro da Lei orgánica 1/1990, do 3 de outubro, de ordenación xeral do sistema educativo.

d) Consonte o establecido no artigo 47 do Decreto 114/2010, do 1 de xullo, durante o período de vixencia da matrícula, unha persoa non poderá estar matriculada simultaneamente nun mesmo módulo profesional nas modalidades á distancia, semipresencial ou presencial, así como nas probas para a obtención deste.

Artigo 4. *Elaboración, contido e estrutura das probas*

1. En cada centro dos que se recollen no anexo constituirase unha comisión de avaliación formada polo profesorado dos departamentos correspondentes, que deseñará as probas para cada un dos módulos profesionais do ciclo formativo, agás o de formación en centros de traballo.

A dita comisión estará presidida polo xefe ou a xefa do departamento da familia profesional a que pertenza o ciclo formativo.

2. As probas axustaranse aos currículos dos ciclos formativos que se extinguen e abrangerán contidos teóricos e prácticos que permitan evidenciar, a través dos criterios de

avaliación correspondentes, se a persoa aspirante alcanzou os obxectivos específicos establecidos para cada módulo en relación cos obxectivos xerais do ciclo formativo.

3. A estrutura da proba, o procedemento e os criterios de avaliación deberanse publicar no taboleiro de anuncios do centro cunha antelación mínima de dous días con respecto ao comezo da realización das probas.

4. Cada módulo profesional será avaliado por un único membro do profesorado, que asinará as actas de avaliación correspondentes.

Artigo 5. *Validación de módulos profesionais*

1. As persoas aspirantes admitidas para a realización das probas poderán ter dereito ás validacións de módulos profesionais de ciclos formativos a que se fai referencia nas letras a), b) e c) do punto 2 da disposición transitoria segunda da Orde do 12 de xullo de 2011 pola que se regula o desenvolvemento, a avaliación e a acreditación académica do alumnado das ensinanzas de formación profesional inicial.

Así mesmo, as persoas que teñan acreditadas unidades de competencia de títulos establecidos ao abeiro da Lei orgánica 1/1990, do 3 de outubro, de ordenación xeral do sistema educativo, poderán solicitar a validación dos módulos profesionais asociados ante o director ou a directora do centro educativo.

2. Quen desexe solicitar a validación dalgún módulo profesional deberao facer constar expresamente no momento de presentar a solicitude de inscrición para as probas, para o que cumprirá xuntar a documentación que acredite o cumprimento dos requisitos exixidos para a obter.

Artigo 6. *Cualificación final das probas libres*

1. A expresión da cualificación final obtida por cada aspirante en cada un dos módulos profesionais realizarase nos termos previstos no artigo 37 da Orde do 12 de xullo de 2011 pola que se regula o desenvolvemento, a avaliación e a acreditación académica do alumnado das ensinanzas de formación profesional inicial.

2. As persoas aspirantes poderán presentar reclamación contra as cualificacións finais alcanzadas en cada módulo no centro en que se realizaran as probas, consonte o proce-

demento establecido no artigo 45.2 da citada Orde do 12 de xullo de 2011. As reclamacións basearanse necesariamente nalgún dos aspectos recollidos no artigo 4.3 desta orde.

Artigo 7. Certificación

A superación das probas libres de módulos profesionais dará dereito a unha certificación individual por cada módulo superado, de acordo co establecido no artigo 43.4 da Orde do 12 de xullo de 2011 pola que se regula o desenvolvemento, a avaliación e a acreditación académica do alumnado das ensinanzas de formación profesional inicial. O modelo de certificación será o establecido no anexo XI da devandita orde.

Artigo 8. Módulo de formación en centros de traballo en títulos extinguidos

1. O alumnado que teña pendente de superación unicamente o módulo de formación en centros de traballo logo de que se produza a extinción definitiva da docencia dun determinado ciclo formativo ou tras a realización dalgunha das dúas convocatorias a que se fai referencia no artigo 1 desta orde, poderá solicitar a súa realización nalgún dos prazos e dos períodos extraordinarios establecidos na Orde do 28 de febreiro de 2007 pola que se regula o módulo profesional de formación en centros de traballo da formación profesional inicial para o alumnado matriculado en centros educativos da Comunidade Autónoma de Galicia.

2. O módulo de formación en centros de traballo dun título extinguido poderá realizarse como máximo ata o seguinte curso académico ao da realización das convocatorias de probas previstas no artigo 1 desta orde.

3. A inscrición para solicitar a exención ou cursar o módulo de formación en centros de traballo realizarase polo réxime de proba libre nos mesmos centros a que se fai referencia no artigo 2.1 desta orde, sen prexuízo do establecido no artigo 1.4 desta orde.

4. Para ter dereito á exención do módulo de formación en centros de traballo, ademais do cumprimento dos requisitos xerais establecidos na normativa vixente, cumprirá ter superado o resto dos módulos profesionais do ciclo formativo. A documentación para presentar é a que se especifica no artigo noveno da citada Orde do 28 de febreiro de 2007. A exención da FCT resolverase logo de publicada a resolución das cualificacións definitivas do resto dos módulos profesionais.

5. Para o seguimento do módulo de formación en centros de traballo terase en conta o disposto na Orde do 28 de febreiro de 2007 pola que se regula o módulo profesional de formación en centros de traballo de formación profesional inicial para o alumnado matriculado en centros educativos da Comunidade Autónoma de Galicia.

Artigo 9. *Titulación*

As persoas interesadas que superen todos os módulos profesionais dun determinado ciclo formativo e superen o módulo de formación en centros de traballo ou sexan eximidas del, de acordo co establecido no artigo 8 desta orde, poderán solicitar a expedición do título correspondente.

Nestes casos, os centros educativos realizarán a proposta de título polo réxime de «proba libre».

Disposición derradeira primeira. *Desenvolvemento normativo*

Autorízase a Dirección Xeral de Educación, Formación Profesional e Innovación Educativa para desenvolver esta orde.

Disposición derradeira segunda. *Entrada en vigor*

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 22 de xuño de 2012

Jesús Vázquez Abad
Conselleiro de Cultura, Educación e Ordenación Universitaria

ANEXO

Convocatoria de probas libres de módulos profesionais para a obtención de títulos extinguidos establecidos ao abeiro da Lei orgánica 1/1990, do 3 de outubro, de ordenación xeral do sistema educativo

Relación de ciclos formativos e centros públicos Curso académico 2012-2013

Código ciclo	Ciclo extinguido LOXSE	Concello	Código centro	Centro
CM01002	CM Xardinaría	Bergondo	15001033	CFEA de Guísamo
		Ponteareas	36007552	CIFP A Granxa

Código ciclo	Ciclo extinguido LOXSE	Concello	Código centro	Centro
CS08001	CS Desenvolvemento e aplicación de proxectos de construción	Betanzos	15001148	IES As Mariñas
		A Coruña	15024513	CIFP Someso
		Ferrol	15006778	CIFP Rodolfo Ucha Piñeiro
		Lugo	27006516	CIFP Politécnico de Lugo
		Ourense	32015050	CIFP A Farixa
		Pontevedra	36019268	IES Gonzalo Torrente Ballester
		Santiago de Compostela	15027058	IES As Fontiñas
		Vigo	36011634	IES Politécnico de Vigo
CS09001	CS Instalacións electrotécnicas	Betanzos	15001148	IES As Mariñas
		A Coruña	15005269	IES Urbano Lugrís
		Culleredo	15005749	IES Universidade Laboral
		Ferrol	15006754	CIFP Ferrolterra
		Lugo	27006516	CIFP Politécnico de Lugo
		Moaña	36004745	IES A Paralaia
		Ourense	32009116	IES 12 de Outubro
		A Pobra de Trives	32015876	IES Xermán Ancochea Quevedo
		Pontevedra	36006730	IES Frei Martín Sarmiento
		Ribeira	15014556	CIFP Coroso
		Santiago de Compostela	15015767	CIFP Politécnico de Santiago
		Vigo	36011634	IES Politécnico de Vigo
		Viveiro	27013636	IES María Sarmiento
CS11004	CS Restauración	A Coruña	15027897	CIFP Paseo das Pontes
		Foz	27020562	IES de Foz
		Lugo	27016455	IES Sanxillao
		Pontedeume	15025682	IES Fraga do Eume
		Pontevedra	36020064	CIFP Carlos Oroza
		Santiago de Compostela	15016000	CIFP Compostela
		Vigo	36013448	CIFP Manuel Antonio
		Vilamarín	32016285	IES de Vilamarín
CS13001	CS Industria alimentaria	A Coruña	15027897	CIFP Paseo das Pontes
		Lugo	27016704	IES Leiras Pulpeiro
CS14001	CS Desenvolvemento de aplicacións informáticas	A Coruña	15005397	IES Fernando Wirtz Suárez
		Ferrol	15006778	CIFP Rodolfo Ucha Piñeiro
		Lugo	27015773	IES Muralla Romana
		Marín	36015159	IES Chan do Monte
		Ourense	32008902	IES A Carballeira-Marcos Valcárcel
		Ribeira	15027711	IES Leliadoura
		Santiago de Compostela	15021482	IES San Clemente
		Vigo	36018173	IES de Teis
CM17001	CM Montaxe e mantemento de instalacións de frío, climatización e produción de calor	Culleredo	15005749	IES Universidade Laboral
		Fene	15032081	IES de Fene
		Lugo	27006528	IES As Mercedes
		Marín	36015159	IES Chan do Monte
		Ourense	32009131	IES Universidade Laboral
		Ribeira	15014556	CIFP Coroso
		Vigo	36014568	CIFP Valentín Paz Andrade

Código ciclo	Ciclo extinguido LOXSE	Concello	Código centro	Centro
CM16002	CM Electromecánica de vehículos	Betanzos	15001148	IES As Mariñas
		O Barco de Valdeorras	32001725	IES Lauro Olmo
		A Cañiza	36015101	IES da Cañiza
		O Carballiño	32015037	IES Manuel Chamoso Lamas
		Cee	15003224	IES Fernando Blanco
		Chantada	27003175	IES Val do Asma
		A Coruña	15024513	CIFP Someso
		Curtis	15022620	IES de Curtis
		A Estrada	36002359	IES Antón Losada Diéguez
		Fene	15032081	IES de Fene
		Ferrol	15006754	CIFP Ferrolterra
		A Guarda	36019244	IES A Sangriña
		Lalín	36013758	IES Laxeiro
		Lugo	27006528	IES As Mercedes
		Monforte de Lemos	27007247	IES Francisco Daviña Rey
		Ordes	15027782	IES nº 1
		Ourense	32009131	IES Universidade Laboral
		Pontearreas	36014520	IES Pedra da Auga
		Ponteceso	15026406	IES de Ponteceso
		As Pontes de García Rodríguez	15021767	IES Castro da Uz
		Pontevedra	36014489	CIFP A Xunqueira
		Ribadavia	32015475	IES de Ribadavia
		Ribadeo	27020793	CIFP Porta da Auga
		Ribeira	15014556	CIFP Coroso
		Santiago de Compostela	15015767	CIFP Politécnico de Santiago de Compostela
		Sanxenxo	36019256	IES de Vilalonga
		Verín	32013582	IES García-Barbón
		Vigo	36014568	CIFP Valentín Paz Andrade
		Vilagarcía de Arousa	36013771	IES Fermín Bouza Brey
		Vilalba	27013326	IES Lois Peña Novo
		Viveiro	27013636	IES María Sarmiento